



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Argumentum.

**urn:nbn:de:hbz:466:1-38372**

# LIGNI VITAE

## LIBER SECVNDVS.

DONNO ARNOLDO VVION

Belga Duacensi, & Monacho Casinensi,

AVCTORE.



### ARGVMENTVM.



**A**BSOLVTO, de Sanctis: P.N. Benedicto, & aliorum Ordinum fundatoribus, id est, de istius Ligni sacratissimi radice, Tractatu, ordo poscere videbatur, vt Arborem ipsam & Ramos explicaremus; sed cum, vt in prefatione ad Lectorem diximus, consilij nostri fuerit, prius non solum Radicem ipsam, verum etiam eos qui illam circumstant & ambiunt; antequam ad Ramos accedamus explicare, vt declaratio ipsa quandam seriem continuatam haberet; Secundum huius Ligni Vitae Librum auspicabimur ab ijs, qui ex Monastico statu prodeuntes, maximum illi splendorem addiderunt, ob numerum, quae gesserunt, amplitudinem ac praestantiam; qui ad dexteram eiusdem Patris, alij Pontificio, nonnulli Cardinalicio, quidam Archiepiscopali, caeteri Episcopali, Postremi Abbatiali habitu, pro dignitatum diuersitate, supplices stare conspiciuntur, quasi de accepto munere tanto Patri gratias referentes. Primi nobis occurrunt Summi Romanae Ecclesiae Pontifices, de quorum numero non parua est inter Historicos controuersia. Quidam namque, qui rectius senserunt, usque, potiores, viginti quattuor, aut 25. vel 26. fuisse recte affirmarunt. Tritemius noster de Vir. illustribus Ordinis Sancti Benedicti, lib. 1. cap. 5. & lib. 4. cap. 20. octodecim cognoscit; qui tamen & alibi aliquoties 24. extitisse fatetur. Petrus a Bugiano, Pontificibus Ordinum, Camaldulensis, Cisterciensis, & Caesitini exclusis, legitimos 37. nouem vero schismaticos cum Francisco Yuannez, Gonsaluo

Gonsaluo Illesca, & Hieronymo Plata, & alijs, fuisse contendit. Omnium autem, quos reperire potui, exactissima discussione facta, eorum opinionem sic conciliandam arbitraver, ut dicamus cum Trittemio, Pontifices, Sanctos videlicet, Ordinis D. Benedicti, quorum locus professionis constat, fuisse numero octodecim, scilicet;

Sanctus Gregorius I. Monachus S. Andrea, Roma.  
 Sanctus Bonifacius I I I I. S. Sebastiani, Roma.  
 Sanctus Adeodatus, S. Erasmi, Roma.  
 Sanctus Agaibo, S. Hermetis, Panhorni.  
 Sanctus Stephanus I I I. S. Benedicti, Casini.  
 Sanctus Stephanus I I I I. S. Chrysogoni, Roma.  
 Sanctus Paschalis I. S. Stephani, Roma.  
 Sanctus Gregorius I I I I. Fosse nove, Terracine.  
 Sanctus Leo III. SS. Silvestri & Martini, Roma.  
 Sanctus Leo V. de Brandalo.  
 Sanctus Leo I X. Tullensis.  
 Sanctus Stephanus X. dictus I X. Casini.  
 Sanctus Gregorius V I I. SS. Petri & Pauli, Cluniaci.  
 Sanctus Victor I I I. S. Trinitatis, Cava.  
 Sanctus Urbanus I I. Cluniaci.  
 Sanctus Paschalis I I. S. Laurentij, Roma.  
 Sanctus Gelasius I I. Casini.  
 Sanctus Urbanus V. Cluniaci.

Nam adiectis alijs qui inter Sanctos non computantur plures fuisse quam octodecim ex Platina Panuino, alijsq; historicis & ipsomet Trittemio constat. Libro enim tertio, cap. 161. Gregorium I I. & in Chron. Hirsaug. Leonem I X. addit, de quibus in quarto libro nullam mentionem egit. Adnumerantur & a Platina, Paschalis I. & a Panuino, Ioannes I X; quos Trittemius pratermisit; qui tamen ab omnibus Historicis Monachi fuisse probantur. Adducuntur & ab alijs alijs, qui Trittemium omnino fugerunt. Quod ipsum diligenter attendens, cum recensisset Pontifices ab ipso repertos, sic in conclusione, libro 4. cap. 20. loquitur: Hos ego Romanos duntaxat Pontifices ex Ordine Sancti Benedicti certo reor assumptos: quanquam possibile sit, fuisse & alios, quorum professionis titulos Chronographi transfissent. Hec ille. Connumeratis vero ad prefatos octodecim, alijs septem Pontificibus Sanctis, Ordinis quidem Divi Benedicti, ut affirmant, sed quorum professionis locus ignoratur, ut pote,

S. Benedicto I. Monacho; S. Pelagio I. Pontifici  
 S. Benedicto I I. Pontifici; S. Gregorio I. Pontifici  
 S. Gregorio III. Pontifici; S. Zacharia, Pontifici  
 S. Sergio III. Pontifici.

Omnino numerus ille Pontificum Sanctorum viginti quinque insurget, qui ab omnibus ferè Historicis adducitur. Numerum autem hunc de Pontificibus Sanctis solis, & non alijs debere intelligi, nos veterum monumentorum illius presertim, quod in fine Chronici Casinensis reperitur, docet auctoritas, sic enim habet; Ioannes Papa XXI Is fecit extrahi Canonizatos de Ordine & Regula Sanctissimi Benedicti, ex libris summorum Pontificum: & reperit quod à tempore dicti Patris, usque ad tempus suum fuerunt infrascripti;

Romanæ Sedis Pontifices XXV. &c.

Quibus si adiungantur & alij Pontifices non Sancti, qui à Bugiano, & nonnullis alijs produntur, fortassis etiam maior numerus reperietur, quam qui ab ipsis adducitur. Ne tamen falsa pro ueris adduxisse uideamur, necessarium nobis uisum est ipsos Pontifices in aliquot ordines & capita distinguere, ut & narratio ipsa ueritate fulciatur, & honor eorum & dignitas integritatem suam habeat. Primò igitur agemus de Pontificibus illis tam Sanctis, quam non Sanctis, qui ex certo aliquo Monasterio, ad tantam dignitatem assumpti referuntur. Secundò, de illis, qui Ordinis quidem Benedictini probantur, ex quo tamen cœnobio assumpti fuerint non liquet. Tertio, Pontifices illos commemorabimus qui Monachi fuisse referuntur, sed cuius Ordinis, aut ex qua familia, ab Historicis non explicatur. Quarto, dignitas eorum exprimetur, non laudando uirum, sed qualitatem personarum notificando, qui se pro Pontificibus, propria sua auctoritate gesserunt. Quintò & ultimò illi apponentur, qui ex Pontificatu aliquo suo uirio deiectione, Monasticum habitum sumere coacti sunt.